

HEBRIFO

Kukue Ko Bawoni Bata Hebrifo

Onanto Eto Ditiki Eye La Wuubi Esua.

¹ Koko lefee, Onanto edi bo banama etiki sesia sesia sesia, nya la esu kpa esua tsyaa, eye la wa banyelaketidi esua. ² Fee la eyi fefe nyamfo esua, udi bo etiki eye la wa Ubi esua. Wa esua Onanto leye uyifo kawunsia, nya wa ni nwa Onanto dilaka nka udi wa bika kenke ne. ³ Ubi amfo dilaka Onanto eto diyende ote nya Onanto eto ditsyabi tututu nkpe wuntsya. Nya ufi Onanto eto Ditiki See kple namu umu kawunsia kenke onle. Se ufla bo abua kenke uwii, usu usia la Onanto, Esualeny Kenke, eto kodian kato.

Onanto Eto Ubi Eto Sekple.

⁴ Onanto eyifo wa ubi okple enso wa batankpe, fe kase wa diye na Onanto dita wa nso ma lele.

⁵ Itsyise Onanto manteyi wa batankpe eto kuutsyu sa nka,

“Fee ni ma Ubi.

Mmii, minle fa.”

Nye Onanto manteyi itsyi la wa otankpe sa esua nka,

“Muudi wa Anto,

nya wuyifo ma Ubi.”

⁶ Fee lefe na Onanto lela nka woatsyese wa Ubi tute kawunsia kamfo, oteyi nka,

“Onanto eto batankpe kenke ebusumu wa.”

- 7 Fɛɛ Onanto átɛyi læ wə batɔnkpe əsuə nkə,
 “Onanto eeyifo wə batɔnkpe fe ufiebi,
 nya wə kato eto besumunyə bamfó fe ute
 eto kadiakami.”
- 8 Fɛɛ Onanto átɛyi itsyi læ wə Ubi əsuə nkə,
 “Onanto, fə sekakedikɔɔ, kalosəkɔ embɔkɛ læ
 se kulefe kulefe!
 Fə sekakedidi læ fə betidi əsuə ebuyi ku
 kaseyifoyifo.
- 9 Aala kaseyifoyifo nya feekisi kabuayifoyifo.
 Nyamfo eso Onanto, fə Onantoo, dílækə fə,
 nya úfi disuəyue nə nso nə útə fə bayetsyue
 kenke útə fə.”
- 10 Usi ótɛyi nkə,
 “Fə, Bonamute, fə ni nwə taa kasɔ ketsyikokɔ
 díyifo kasɔ,
 nya féyifo kato ku fə kosate eto ani.
- 11 Asa nyamfo kenke ebubə efe. Fɛɛ fə ebubu
 akɛ lefe saa.
 Asa nyamfo kenke ebobia isensə fe kase
 mfia laala kafiani afianku.
- 12 Ebukənə nnya fe kase bækənə awu ku mfia
 itə bofloma.
 Fɛɛ fəə, nko ete fuutsyə nɛ, embofloma,
 nya fə nkpə embolo kulefe.”
- 13 Nte ɔtɔnkpe wə Onanto létɛyi nkə,
 “Siə læ mɔ kodiani, isu ese lefe nə muufi
 fə balo nkpə fə kalɔ bafiani nnya əsuə
 fuutəkə akpa”?
- 14 Nyalɛɛ, bawoe ni kato eto batɔnkpe fɛ? Mə
 ni awɔnɔ nnya leesumu Onanto nya woakpe
 mə atɔ nkə besu bawunsəko mba ele bə bafɔ
 læ nkpə manlo.

2

Onanto Ebutə Nkə Betidi Nyə Bofo Tinti.

¹ Nyamfo eso ele bə bələ ɔnukualetiki nnya bóno ola kekleke nɛ. Lenni nkoo, boonya kusu lə nnya əsuə. ² Kenye ka Onanto eto batɔnkpe dítə bo banaməə, eyifo ɔnukuale, nya lə utsyuə úta úbu nye útidi ato lə nnya əsuə, bənə wə koto sitinti fe kase ínyə itə. ³ Nyalɛɛ, ntsyə bofo butsyetsyi lə kotonənə eto kenye, lə bəni koto butsyue akafo Ditiki Sɛɛ kplɛ nəmfo? Bonamute kosate leka bofo eto Ditiki Sɛɛ nəmfo bətɛyi tute tute, fe mba kenke lenɔ ni lə wə kenye tsya díbə bətɛyi ni báse uyi bətə bo bə, diyifo ɔnukuale. ⁴ Lə nnya əsuəə, Onanto kosate tsya édi nnya adansie ku ɔnukuale, lə nyaso úyifo ayanisa ku ayanisa lə esu kpə əsuə, nya úsie Lɛwɔnɔ Kenke eto ətəsa útə lə kase waala əsuə.

Nwə Əsuə Bɔɔye Bunyə Nkpe Manlo.

⁵ Onanto mémfi kawunsiə fɔfɔ ka ləəbə bubə ka əsuə bɔnlɛ etiki budi ókpe lə batɔnkpe kalɔ. ⁶ Fɛɛ Anantotiki eto lekpa ditsyuə édi nnya adansie etɛyi nkə,
 “Be ni utidi, O Onanto, bə fə ənəmii, lə itəkə lə wə əsuə nko?
 Be ko ni utidinini bə lə aalɛ wə ola nko?
⁷ Ábokosə wə kasɔ itə lefe kliminti ditsyuə enso Onanto eto batɔnkpe.
 Fɛɛ əbə éfi diyənde kplɛ ku dibu étsyisə wə fe lekankpakpa.
⁸ Nya fətə údi seka lə lesa saa əsuə.”

Bátɛyi bɛnkɛ Onanto éyifo utidi nkɛ udi seka lɛ lesa saa əsuə nya nyamfo lɛ bote wuee bɛnkɛ, lesa saa banlɛ. Tɛya lɛ kase intee, bɔnlɛ tɔ bunyɛ kase utidi nlɛ seka budi lɛ lesa saa əsuə. ⁹ Fɛɛ Yesu əmfoo, wɛ lɛ lefe kliminti əsuə bábokosɛ kasɔ fe okpe lɛ Onanto eto batɔnkpe kalɔɔ, itɛ ɛyɛ lɛ Onanto eto lefonɛ əsuəə, lɛ ukpɛ lɛ utsyue saa eto disi. Bolɛ wɛ bunyɛ mɔmɔ nwɛ bɛti ətɛsa ku dibu kenke eto lenkpakpa, ɛyɛ lɛ ukpɛ wɛ úkpɛ eso.

¹⁰ Elɛkɛ bɛ Onanto wɛ díyifo nya woalɔ lesa saa kətsyɛə, tɛ Yesu lɛ ɔflɔ ɛyɛ lɛ kanyi ka únyɛ əsuə bɛ ɛyɛ lɛ nnya əsuə unɛ bebi kpɛ oboko lɛ bɛnyɛ kedikɔ lɛ wɛ diyɛndɛ əsuə. Itsyise Yesu ni nwɛ lookpa mɛ usuko nkpɛ manlo kəmiə.

¹¹ Wɛ ləəflɛ abua lɛ betidi əsuə kewui, nya wɛ ku mba əsuə bəflɛ abua bəwui, anto ɔni uni mɛ. Nyaso yenyifo Yesu afanisa bɛ ókpadi mɛ nkɛ wɛ bayimi. ¹² Woatɛyi Onanto nkɛ,

“Mɔɔtɛyi mɔ bayimi lesa nə féyifo.

Nya mɔɔtɛsɛ fɛ lɛ mɛ katsyakɔ.”

¹³ Usi ótɛyi nkɛ,

“Muufi mɔ kusubebe ntəkɛ lɛ Onanto əsuə.”

Nya usi ótɛyi nkɛ,

“Nnyɛ mɔ ku bebi ba Onanto dífi útɛ mɛ.”

¹⁴ Se betidi ba woakpadi nkɛ bebi ni betidi ba lɛbɔ betɛyi lɛ sinɛ ku kɔtɔ əsuəə, Yesu kosate əbɛ ófiani fe mɛ nnya úsiə nkpɛ fe mɛ kɛ. Úyifo nyamfo nko bɛ ɛyɛ lɛ wɛ ukpɛ əsuəə, lɛ ɔtsylɔsɛ Obonsam wɛ nkpe ukpɛ eto əsuəale. ¹⁵ Nya ɛyɛ lɛ kusu komfo əsuəə, lɛ uləkɛ mba kenke lɛkɛ lɛ sidomu əsuə lɛ mɛ nkpɛ əsuə lɛ nnya báte ukpɛ sikpi eso.

¹⁶ Nya ekpa bæ inni Onanto eto batonkpe úbø kawunsæko kø, bomu Abraham eto bebi eto bebi. ¹⁷ Nnya kaso ni bønke, ele bæ ofiani fe wø bayimi læ kusu saa æsuø bæ læ ofiani ominsænýtidi ku nwø leesumu Onanto læ kusu æsuø eto Usumunyø Ninø Kenke læ utø kedi læ betidi eto abua eto disi. ¹⁸ Nya se wø kosate dínyø kanyi nya báto wø bábe esoo, woofø mba nkpe læ botokabe æsuø bøwunsæko.

3

Yesu Eto Kænýankø Kpe Kalende Kaso Moses Eto Kale.

¹ Mø bayimi lala læ Kristo æsuø, mi mba Onanto tsya lékpadi! Bibu Yesu bebe, nwø Onanto létsyese nkø ubø ofiani Usumunyø Ninø Kenke læ bofokano bo bonkpe æsuø. ² Úyifo wø keyifo læ kusu æsuø útø nwø dílkø wø nkø uyifo wø keyifo fe kase Moses díyifo asa læ kusu æsuø læ wø keyifo æsuø læ Onanto eto diyo. ³ Beefi dibu kætø nwø léto diyo kaso diyo næ báto kosate. Nko ke Yesu nkpe dibu kplø enso Moses nø. ⁴ Itsyise diyo saa kpe ni otonto. Fø Onanto ni nwø léto lesa saa. ⁵ Moses éyifo uyifoyifo onukualenyø læ Onanto eto diyo. Nya óteyi asa nnya æsuø Onanto luubø udi etiki utsyiko læ lefe næ luubø, ótonø. ⁶ Fø Kristo eyifo onukualenyø fe Onanto eto Ubi wø nsi læ Onanto eto diyo eto kényø. Bo ni wø diyo næmø nø, læ bokpe utu nya bofo bonø kekleke læ nnya æsuø bonø kusu bobø.

Øwekøtsyøkø Kpe Itø Onanto Eto Betidi.

- ⁷ Nnya Ləwɔnɔ Kɛnkɛ lɛtɛyi nkə,
 “Lə bɛnɔ Onanto eto ɔkɔɛ mmii,
⁸ bientidi ato
 fe kase ítsyə lə mi banamə eto lefe,
 nya bátaka bənyə mɛ lə əsuə fe kase báto
 mɛ bábe lə mfiminti mfó.
⁹ Mfó nya báto mɛ bábe, lə babe lesa nə
 muuyifo,
 ite bə bənyə asa nnya mínyifo lə ale fosi
 ana əsuə.
¹⁰ Lə nnya eso nnyə ɔblo nkpe betidi bamə.
 Nya míntɛyi minkə, ‘Baamfo mɛ akanɔ,
 nya baani beentsyue mɔ afi koto.’
¹¹ Lə nyaso kafo ányi mɛ nya mínka ntamu
 míntɛyi minkə,
 ‘Bembudufə kasɔ ka ɛni míntə tə mə ɔn-
 wəkətsyəkɔ kulefe!’ ”
¹² Mɔ bayimi bafokanɔtsyue, bebe sinini biə
 mi nti eto kuutsyue əmbɔkɛ lekɔɛsi bua nya
 wəmbɔkɛ bofokanɔ bə wəəmbɔtsyi kama okpe
 Onanto wə nsi nkpe. ¹³ Bomuu, bɛlɛ mi
 bətsyue kɔlɛ diyi saa fe kase Mmii əmə báwɔni
 bákpe lə Awɔnisa Kɛnkɛ eto Kukue əsuə leka
 mi. Lə itə bə biəmbɔwɛ mi əsuə bekpɛ lə lɛbua
 lə befiani mba ditidi ato.
¹⁴ Itsyise buyifo bani ku Kristo lə bɔlɛ bo
 bofokanɔ lə kɔni keklekɛ isu esɛ lə kalosəkɔ
 fe kase bútsyiko kasɔ. ¹⁵ Awɔnisa Kɛnkɛ eto
 Kukue átɛyi nkə,
 “Lə bɛnɔ Onanto eto ɔkɔɛ mmii,
 bientidi ato
 fe kase ítsyə lə mi bana mə eto lefe,
 nya bátaka bənyə lə Onanto əsuə.”

¹⁶ Bawe ni betidi ba leno Onanto eto okoe nya bataka banye le we esue? Mba kenke Moses lekpa oyenko utsyiko Egipte eto kaso esue.

¹⁷ Nya bawoe Onanto dinye oblo okpe ite ale fosi ana so? Me ni betidi ba diyifo lehua ba dikpe le mfiminti. ¹⁸ Bawoe esue Onanto leka ntamu oteyi nke, "Kulefe, bembudufe kaso ka esue eni mintate me onwekatsyeko." Bawoe onle? Mba letaka banye we le esue. ¹⁹ Bunye boe le nnya eso bamfo kaso kame budufe, itsyise bamfo bano.

4

¹ Momo, se kusubebe nsi nke bo be bunye onwetsyetsye we Onanto ditsye bo kenye utsyee, bite le bobo kukono be, yeambae be mi kuutsyue saa mamfo onwetsyetsye we utsyee bo kenye utsyee. ² Itsyise bateyi bo Ditiki See neme fe kase bateyi me tsya. Bano kenye kame, fe yenyifo me keyifo see saa le esue, itsyise se bano nii, bamfo ni bano tsya. ³ Fe bomba lefo bono, budufe onwekatsyeko kame, ka Onanto ditsye kenye. Ite fe kase oteyi utsyee nke, "Kafe anyi me nya minka ntamu mintsye mie, 'Bembudufe kaso ka eni mintate me onwetsyetsye kulefe!'"

Oteyi nyamfo nko ite be we kosate eto keyifo alo, idu le lefe ne uyifo kawunsie olose fe. ⁴ Itsyise le Awonisa Kenke eto Kukue esuee, bawoni asa esyue itsyi le diyi kuansele esue benke, "Onanto esyee onwe le diyi kuansele esue le keyifo saa buyifo esue."

⁵ Besi bátèyi ditiki nèmfo bè, “Bembudufè kaso ka eni míntatè mè bafo ònwetsyètsyè àmè!”

⁶ Mba leka Ditiki Sèè nèmè bóno màmfo ònwetsyètsyè àmè, itsyise bàmfo ni banò. Fèè itè bètsyuèè, kusu si kokpe bè bafo ònwetsyètsyè àmè. ⁷ Bèlèkè nyamfo bátè itsyise Onanto esi útsyè diyi bamba nè baakpo Mmi. Àè kpè lè nnya kamaa, fè údi etiki utsyi lè nnya àsuè, èyè lè Oka David àsuè èyè lè Awónisa Kènke eto nnya búkatèyi bofe bè,

“Lè bèno Onanto eto òkòè mmii,
bientidi ato.”

⁸ Lè nnya ete Yosua lèyenko betidi bamè bé-dufè lè ònwetsyètsyè àmè Onanto dítsyè kényè útsyèè, eni Onanto ménsidi etiki kama kama utsyiko lè diyi bamba àsuè. ⁹ Lè nyamfo esoo, Ònwéditsyèyi bamba si lekpe itè Onanto eto betidi fe diyi kuansele nè àsuè Onanto dítsyè ònwè. ¹⁰ Itsyise nwè kee léfo Ònwéditsyèyi nè Onanto létèyi utsyèè, ebutsyè ònwè lè wè kosate eto keyifo kènke àsuè fe kase Onanto dítsyè ònwè lè wè kale àsuè. ¹¹ Nyaso bitè lè bokplatsya lè bofo ònwetsyètsyè àmfo, bè lè bo kuutsyuè saa mentidi ato lè nnya àsuè fe kase béyifo.

¹² Itsyisee, Onanto eto Ditiki Sèè kpe nkpe nya lenlé keyifo kekèkè, nya lenkpe kobe lenso lesiabi nyè nnuè. Diala lesa saa kèlèkè lè nsusu ku lèwòno kèmiè, isu ese taa àsuè eto ntsyakò ku dikubi ku afò eto katsyakò eto nti nya diakpo utidi eto nsusu ku utu kèmiè kaseè kukòno. ¹³ Asayifoyifo saa menyifo akulasa lè Onanto eto ànèmi. Wènyè asayifoyifo saa

tɛnkɫɛ nya ɛkpa wuee lə wə ɛnəmi. Nya wə ni nwə ele bə bo utsyuə saa tə wə nkɫɛ eto nkunta.

Yesu Ni Onanto Eto Usumunyə Ninə Kenke.

¹⁴ Nyaso bitə lə bələ bo bofokanɔ bo boələkə kate kɛklɛke. Itsyise bokpe Usumunyə Ninə Kenke wə ni Yesu, Onanto eto Ubi wə dɪkatɔ bo úsu kato úsu únyə lə Onanto kosate eto ɛnəmi. ¹⁵ Bo Usumunyə Ninə Kenke enni nwə lænnyə bo kaminsə, se bumbə ale eso. Bomu bokpe utidi wə báto babe lə kusu saa əsuə fe bo ke. Fɛɛ wényifo lehua saa. ¹⁶ Lə nyaso bitə lə buńyə bembɛ, lə bɔnyɪ bɔfi Onanto eto lekankpome kaka buunyə wə lefonə. Mfó wuunyə bo kaminsə bunyə wə lefonə nə lɔwunsəko bo lə lefe nə ke ehiã bo.

5

¹ Usumunyə Ninə Kenke saa, betidinini nti ete bələkə wə kɛtsyiko, nya bəətsyə wə bə lə únyə lə mə kɛnyɛ lə Onanto eto kesumu əsuə, lə utə wə kedi lə bənyə mə abua eto bufikatsyɛ. ² Se wə kosate, lə esu kɫɛ əsuə, ləmbə ale lə okla əsuə esoo, okpe disuətsyə kətə mba lenyi kusu ko əsuə ele bə bayɛ eso baata kebu. ³ Nya se wə kosate ləmbə ale lə esu kɫɛ əsuə esoo, ele bə utə kedi, enni lə wə betidi hã eto abua eto disi te bomuu, lə wə kosate tsya eto abua eto disi.

⁴ Kuutsyuə saa ɛnləkə wə əsuə Usumunyə Ninə Kenke kefi dibu nə laamankla lə ni kətə wə əsuə. Bomu Onanto hã laakpadi utidi,

keyifo wə Usumunyə Ninə Kenke fe kase ók-padi Aaron seka. ⁵ Nko əmə ke, Kristo mémfi Usumunyə Ninə Kenke eto dibu útə wə əsuə, bomu Onanto leteyi wə nkə,

“Mə Ubisaibi fe ni.
Mmi mínle fə.”

⁶ Usi ótəyi lə kalebe bamba tsya nkə,

“Usumunyə feni idu manlo isu manlo
fe Melkisedek eto okle.”

⁷ Se Yesu dídi utidi lə kaso kamfoo, óto ola ku lekpakpalələ kekleke ku bofa bembembe ku binəntu útə nwə lofo wə buləkə ketsyiko ukpə kəmiə. Nya se óbokosə əsuə kaso nya woate Onanto sikpi esoo, Onanto áno wə olatoto.

⁸ Ite bə uyifo Onanto eto Ubi tsyaa, lə wə kanyinyənyə əsuə ókase kase baabokosə əsuə kaso. ⁹ Se Onanto díyifo wə nwə leflo lə kusu saa əsuə ólosə, úbə úyifo wə nwə əsuə mba kenke leetsyue wə koto laaye kənyə nkpə manlo.

¹⁰ Wə ni nwə Onanto leteyi útsyə nkə wubə ofiani Usumunyə Ninə Kenke fe Melkisedek eto okle.

¹¹ Etiki kpə kpe bo lə kənye bo ele bə bətəyi itsyi lə etiki nyamfo əsuə fə, fə nnya bətəyi kpe bulə, itsyise benlə asa kaso bəno mləmləmlə.

¹² Lefe kpə áke bə eni befiani bateasa, fə bisi behià utsyuə bə lə ote mi asa tute itsyi lə Onanto eto Ditiki Səə nəmə əsuə, lefe nə eto lefe ele bə bidi lesa nə nkpe ale, isi efe bə bəyimi mmintu. ¹³ Utsyuə saa wə ele bə oyimi mmintuu, esi uyifo ubisambi wə lenyito lesa nə ni ləse nye lehua. ¹⁴ Lesa nə nkpe alee, eyifo lesa nə lələke itə mba díkabe eyə lə

buyifokönyə əsuə, lofo lekpo butsyə lə nə ni ləse ku lebua eto nti.

6

¹ Nyaso bitə lə busu seto lə bobé lə asatete əsuə, lə bobo lə asatete tutə nnya bófo itsyi lə Kristo əsuə. Nyamfo ni bənkə bōtsyi bo akəsi bōwuninsə bobo lə abua əsuə ku nyifo bo ləmbə kutəkə saa ku lə Onanto bōfokano əsuə. ² Bāte mi asa lə ntuflesəfləsə, anitəkətəkə lə betidi əsuə, lə bekpənkpə eto businkli kataka kəbə nkpə ku lə lekpokponkpo fəfə əsuə. ³ Bitə lə busu seto! Nya nyamfo ele bə buyifo lə Onanto atono nkə busu seto nɛ.

⁴ Itsyise ntsyə yuubə bə mba léfo bāno ko nya bésinkli kamaa, besinkliko mə baboko bōtsyikawuninsə eto kusu? Koo bāke lə Onanto eto diyənde əsuə, bādia kato eto ətəsa babe nya báfo Ləwono Kenke eto əsuəale. ⁵ Bāte lə asa nnya díkəbə éfe əsuə bə Onanto eto ditiki aləke nya bəkənyə kutəkə ko nkpe lə əsuəale nnya nkpe lə lefe nə luubə əsuə. ⁶ Lə nnya əsuəə, bāni mə bōfokano lə Onanto əsuə! Esoo, yooke ale bə besi bənə mə baboko bōtsyikawuninsə əsuə, itsyise besi balə Onanto eto Ubi boso lə uyikabie əsuə, kənə wə kakpe lə kofani əsuə lə kawunsiə kenke eto ənəmi.

⁷ Onanto aakpo atsyo kaso ka ləənə nsomintu bo laani kakpo lə ke, ka leeke eyi ku sefa nnya laaləke itə mba eso baafə ke kakpe bidikə. ⁸ Fəe kaso ka leeke biyu ku kanyii, kaanləke kətə kulesa, kakpe lə bulə əsuə bə Onanto ebukudi ke nya wootonsə ke ku ute.

⁹ Fɛ balala, lə búdi etiki mmə tsyaa, bófo mi bɔnɔ boə lə mi kutsyə aɛɛ, buyi boə béfo atsyɔkpokpo sɛɛ nnya lofo mi lə nkpə. ¹⁰ Onanto enni nwə lanyɛ lə kusutsyɔntsyɔ əsuə. Weembota keyifo ka bíyifo nye lelabi nə bítə wə lə lɛwunsəko bo bítə nya binsi benlɛ butə bafokanɔfɔ bamba. ¹¹ Bo lelabi itə mi ni bɛnkə mi utsyuə saa lə nnya kekleke nko isu ese lə kalosəkɔ, bə lesa nə benlɛ kusu bobee, lə ibə itə nko. ¹² Boanla boə biyifo sɛflɔ, bomu lə biyifo asa fe bafokanɔfɔ ba nkpe dibusə bə lə bafɔ lesa nə Onanto dítsyə kɛnyɛ útə mə.

Onanto Eto Kɛnyɛ Ka Útsyə Eyifo Sitinti.

¹³ Lefe nə Onanto dítsyə Abraham kɛnyɛɛ, ótɛyi óse uyi nkə, wuuyifo lə lesa nə ótɛyi útsyə əsuə. Se kuutsyuə ləmbə ləmə onso wə esoo, úfi wə kosate eto diye únyənsə kama. ¹⁴ Ótɛyi nkə, “Nlɛ fə kɛnyɛ butsyə minkə, mookpo fə atsyɔ, ntə fə beflufu kpə.” ¹⁵ Nya se Abraham lɛkɛ dibusə, úmuə utu ɔlɛ esoo, únyə asa nnya kenke Onanto dítsyə wə kɛnyɛ.

¹⁶ Betidi aakpadi asa nnya ləmə enso mə kosate eto diye lə befi bala etiki nnya bátɛyi, lə befi bala etiki nnya tã. ¹⁷ Nyamfo eso Onanto lékpadi asa úfi óse wə kɛnyetsyətsyə uyi nɛ, bə lə ekpako mba luubə bafɔ wə kɛnyetsyətsyə wuee bə wə ketsyue amfloma kulefe. ¹⁸ Onanto áyɛ lə esu ənuə əsuə, nya ni kɛnyetsyətsyə ku asakpadikpadi nnya lantsyi kawuninsə, nya bembufi batɛyi sidia tsya, nya bomba díkənyə kabɔkɔ lə wə, bonkpe

kusubebe læ wə əsuə, læ bəkəbe nnya bələ kekleke ku kusubebe ko eto kənyə bətsyə bo.

¹⁹ Kusubebe ko nkpe bo mfo eyifo fe lesa nə dímuə bo nkpə butsyə kekleke. Nya kusubebe komfo aakpia kafia ka nti Disumuyo eto seto kafe kedufə læ kedikətəkə kəmiə. ²⁰ Mfó əmə Yesu díkatə úsu læ bo kənyə fe ətousu seka. Wə díbə ofiani fe Usumunyə Ninə Kenke Melkisedek eto okle isu ese manlo manlo.

7

Usumunyə Melkisedek

¹ Melkisedek əmfo édi seka læ Salem, nya úyifo usumunyə útə Onanto wə ntəkə kato fanlo fanlo. Óbə ótsyako Abraham læ lefe nə útsyi lema nə úsu ókpə nya útəkə baka ena ba létsyilama mfó kato. Melkisedek əmfo ésu ótsyako wə nya ókpə wə atsyə. ² Nya Abraham díte wə bikə bia əkə utsyiko mfó eto lekpafofile.

Tutεε, diye Melkisedek eto kasə ni Kasəyi-foyifo eto Oka. Nnya kama se údi Salem eto Oka esoo, wə diye eto kasə ni Diyuəsə eto Oka. ³ Bánwəni kulesa bətsyə itsyi læ wə anto nye ambe nye læ wə ketsyikə əsuə nye wə leleyi lee læ wə ukpə əsuə. Uyifo fe Onanto eto Ubi, nya úyifo usumunyə ídu læ ketsyikokə isu kalosəkə.

⁴ Bebe kase úyifo utidi wə lefo diye. Abraham wə ni bo ona wə léfo diye éfi bikə bia út-syiko kamato eto lekpafofile kulaa tsya útə wə! ⁵ Nya mómə, bətsyə kəfi ko díte kusu bənkə, Lewi eto befluflu di besumunyə. Baafə bikə

bia Israel bebi ba ni mə betidi eto lekpafoşile læ mə oflo, ite bæ mə betidi bamə tsya eyifo Abraham eto befluflu tsya fε. ⁶ Melkisedek əmfo mənyifo Lewi eto kafo eto ubi, tsyaa ófo lekpafoşile utsyiko læ Abraham oflo, wəə ni utidi Onanto dítsyə kənyε nya ókpo wə atsyə tsya. ⁷ Onukualε əmə ni bənkə, utidi wə laakpo atsyə kpe kalende oso utidi wə bákpo atsyə. ⁸ Lə besumunyə eto kutsyəə, mba laafo asa eto lekpafoşilee, eyifo besumunyə ba læəkrə. Lə Melkisedek eto kutsyəə, ófo lekpafoşile nəmə fe usumunyə, fεε wə nsi nkpe manlo fe kase Awonisa Kεnkε eto Kukue nle bətəyi. ⁹ Nya bofo bətəyi kulaa tsya boə Lewi wə laafo lekpafoşile nəmfoo, óyε læ Abraham eto kutsyə ófo asa eto lekpafoşile nəmfo útə Melkisedek. ¹⁰ Itsyise lefe nə Abraham létsyako Melkisedek nya útə wə asa eto lekpafoşile nəmfo, bánle tə Lewi, usi ókε læ wə ona eto kəto kəmiə.

¹¹ Lewi bebi eto besumunyədidi əsuə nnya kəfi ləyε kubə itə Israel bebi nε. Nya læ nnya ete Lewi bebi eto besumunyədidi leflo, eni yensife bæ usumunyə bamba eto okle si ubə, nwə læbə utsyi læ Melkisedek eto okle eto kutsyə əsuə, inni læ Aaron eto kutsyə. ¹² Lə besumunyədidi eto kutsyə átsyi kəwuninsəə, ele bæ kəfi ko nyenko ko tsya tsyi kəwuninsə. ¹³ Nya Bonamute wə əsuə bətəyi asa nyamfo betsyikoo, étsyi lekpaके bamba nə eto utidi kuutsyuə díməndi tə usumunyə unyə. ¹⁴ Ékpa wuee bæ bále wə læ Yuda eto kafo, nya Moses mánkpo kafo kamfo eto diye ókpe læ mba luudi

besumunyə nti.

Usumunyə Bamba Wə Ni Fe Melkisedek.

¹⁵ Etiki nyamfo esi ekpa eso, lə lefe nə eto lefe usumunyə bamba eto okle fe Melkisedek disi úbə údufə. ¹⁶ Utidi əmfo əbə ófiani usumunyə wə dímanyə lə utidi eto afi ku bunə əsuə, bə ofiani usumunyə lə diyo nə leedi əsuə, bomu eyə lə əsuəale nnya eto nkpə ləmbə kalokə kulefe əsuə. ¹⁷ Awónisa Kenke nyamə áteyi ekpa wuee nkə,

“Usumunyə feni idu manlo isu manlo fe Melkisedek eto okle.”

¹⁸ Nyamfo lə bote nkə bələkə kofi koko komə bətsyə kutsyə itsyise kumbə kənyəale nya koənyə kutə kulesa. ¹⁹ Itsyise Moses eto kofi mamfo kulesa nə ləflo buyifo. Nya mómoo, bətə bo kusubebe fəfə ko lələke konso, nya bəoye lə ko əsuə bəfi Onanto enso.

²⁰ Əwunsəə, Onanto aká ntamu ówunsə lə usumunyədidi fəfə əmfo əsuə. Koo Onanto mánka ntamu ówunsə lə usumunyədidi əsuə.

²¹ Fəe se Yesu ləfiani usumunyəə, Onanto áka ntamu útə wə óteyi nkə,

“Bonamute áka ntamu, nya wəmbotsyi wə kənyə owuninsə lə nnya əsuə nkə, ‘Usumunyə feni idu manlo isu manlo.’ ”

²² Nyamfo ətə bə Yesu əbə ófiani nwə nyə kənyeklekle kamfo kama, ka lələke kanso.

²³ Bətsyi kawuninsə bamba tsya əbə. Besumunyə ba kə éfui tinti, nya bánkakle lə mə keyifo əsuə. Itsyise békekpə. ²⁴ Fəe se Yesu, wə nsi nkpə itə manlo manlo esoo, wə keyifo

fe usumunyə amfloma ani kesu utidiamba oflo.

²⁵ Lə nyasoo, woafɔ mba læbə Onanto oflo læ nkpə lefe saa eyɛ læ wə kosate əsuə, itsyise usi nkpə lefe saa ɔlɛ bofokətə mə læ Onanto oflo.

²⁶ Lə nyamfo esoo, ele bə Usumunyə Ninə fe Yesu kɛ bo. Nwə diyifo kɛnkɛ, nya kabua saa læmbə wə læ əsuə, nya woambiasə əsuə, wə bələkə lete læ babuayifo nti, wə bábəsə kato fanlofanlofanlo. ²⁷ Yanhiã kulaa bə Usumunyə Ninə Kenke ɛmfo eto oklee, kətə Onanto kedi lefe saa, tutɛ læ wə kosate eto disi esoo, nnya kama læ betidi bamba eto disi esɔ, fe kase besumunyə ninə kenke fɛfɛ leeyifo. Uyifo nyamfo diyifo læwɛ itə lefe nə kenke læ lefe nə úfi wə əsuə útə. ²⁸ Lə ɔnukuale əsuə, Moses eto kɔfi komə ətsyə betidinini ba dímamfloo, besumunyə ninə kplɛ, fɛɛ Onanto eto ntamu bo óka læ Moses eto kɔfi komə kamaa, ətsyə wə Ubi Usumunyə Ninə Kenke wə úyifo læflo itə lefe nə kenke.

8

Yesu Ni Bo Usumunyə Ninə Kenke.

¹ Nnya kenke bɔnlɛ bɔtɛyi ete ni bənkə, bokpɛ Usumunyə Ninə Kenke əmfo eto okle, wə nsi læ Okplɛnyə Kenke eto lekankpomɛ eto kodianɪ læ kato. ² Usumunyə Ninə Kenke əmfo eesumu læ kakɛnkɛkɔ ka ni Disumuyo tinti ka Bonamute díyifo, inni betidi díyifo.

³ Bətsyə Usumunyə Ninə Kenke saa bə læ ufi ətəsa saa ku bebuki utə Onanto. Nyaso ele bə bo usumunyə tsya kɛ lesaatsyue nə uufi utə kedi. ⁴ Nya læ kasɔ mfo ete onkpee, eni

wə əmbuyifo usumunyə, itsyise besumunyə ba ləətə kedi lə Yudafo eto kɔfi eto kusuu, fe bakpe koko. ⁵ Keyifo ka beeyifo fe besumunyə mfo eyifo nka nte beeyifo lə Onanto eto kato eto koyo ete.

Nko esoo, lə lefe nə Moses nkə woato disumunyoo, Onanto lətəyi wə nkə, “Be fənkə eyifo ni lekateko ku ditsyəbi nə báte fə lə kɔtini əsuə.” ⁶ Fɛɛ mɔmɔɔ, bətə Yesu kesumu eto keyifo ka ntəkə mə kale kato, fe kase kənyeklekle ka útsyue lə wə betidi ku Onanto eto ntii, aləkə kaso nka kɔ, itsyise wə kənyetsyətsyə eto asa aləkə eso asa nnya nkpe lə nka kɔ.

⁷ Lə nya ete kulesa dimambia lə kənyeklekle tute kamə əsuə, eni yensife itə kənuəfə kamfo.

⁸ Fɛɛ Onanto ənyə kabua lə wə betidi əsuə se ótəyi nkə,

“Lefe lə bubə se mɔ, fə Onamutee,
lookle kənyə fɔfɔ

ku Israel eto betidi
ku Yuda eto betidi.

⁹ Kənyeklekle kamfo embutsyə fe nka
mínkle ku mə bana mə,

lə lefe nə mínkobe mə minlə lə kɔni
nya mínkpa mə mímbonko lə Egipte eto
kasɔ.

Itsyise béntsyue mɔ kənyeklekle kamə koto.

Nyaso míntsyi kama mínkpe mə nɛ.

Mmə Bonamute nle bɔtəyi nɛ!

¹⁰ Mɔmɔɔ, nyə kənyə ka mookle ku Israel eto
betidi

lə lefe nə ləəbə mə.

Muufi mɔ kɔfi nkpe mə lə mə nsusu kəmiə.

Nya mɔwɔni ko nkpe lə mə ketu kəmiə.

Muuyifo mə Onanto,

nya məə tsya ebuyifo mə betidi.

11 Nya mə kuutsyuə ensi embote wə utsyuə kulesa nye wə oyimitsyuə tɛyi nkə bete Bonamute əmə.

Itsyise mə utsyuə saa ebote mə

idu lə dikpefi isu ese lə uninə əsuə.

12 Nya muufi mə abua nnya kenke bəyifo ntsye mə.

Nya mensiembokloma mə abua nya bəyifo kulefe.”

13 Se Onanto lídi etiki utsyiko lə kənyeklekle fofə əsuəə, ete kaso bə nka kə eyifo kakoko. Nya lesa saa nə lefiani lekoko nə lesibə kutəkəə, əmbəkle fə dionya kenke.

9

Kase Biusumu Onanto Lə Kaso Ku Lə Onanto Eto Oto Kato.

¹ Kənyeklekle tute eto afi áke kesumu eto afi, nya bəyifo kaso mfo eto Disumuyo tsya bətsyə. ² Bəyifo Kafia eto Mpatampa Kenke nya bésie ni lə akpa ənuə ku kafia. Baakpo setə eto lekpa bə Kakenkəkə. Mfó bənyənsə okandie eto keyi ku kesumu eto əpunu wə əsuə bəətəkə abolo nnya beefi kətə Onanto kedi. ³ Lə Disumuyo eto kaka befi kafia bala eto kamaa, ni kaka baakpo Kakenkəkə Kenke. ⁴ Mfó bəfi sika sia eto əpunu wə əsuə baatonsə lifui ku kənyeklekle eto lelaka nə befi sika sia beti batsyilama bətsyə. Nya kənyeklekle eto lelaka nəmə kafoo, bákpe asa nnya ni sika sia eto okase utsyuə wə eto kafo bákpe didisa nə

baakpo mana, ku Aaron eto uyilele wə díkə ku afanto, ku aba bləkete ənuə nya əsuə b́awoni Onanto eto afi b́etəkə. ⁵ Lə lelaka nəmə eto kato b́awe Onanto eto asa nnya nkpe nkpe baakpo bə Kerubi eto ditsyəbi b́etəkə ba nle Onanto eto diyənde buləkə kate. Mə mbamba eto koyo éti kaka bəənyə betidi kaminse kefi mə abua katsye mə. Fəə boəmbofo etiki budi mfo kələkə asa nyamfo kenke kasə kate mómə.

⁶ Nko ini bétsyue asa nyamfo bətsyə mfó nɛ. Besumunyə bamə eedufə Disumuyo tutə kamə diyi saa kesu keyifo mə kesumuyifo mfó. ⁷ Kəmiə eto Disumuyo nəməə, Usumunyə Ninə Kenke h́ă nkpe kusu weedufə mfó lele soni h́ă. Nya lə ɔ́tɔɔ, ele bə ufi ubuki eto kɔ́tɔ usuko mfó usu utə Onanto kedi lə wə ku kusə komə kenke eto betidi eto abua nnya b́eyifo lə mə mante mante əsuə eto disi. ⁸ Eyə lə nyamfo əsuə, Ləwɔnɔ Kenke ələkə óte nkə se sətə eto Disumuyo nəmə nsi nte koo, yəntə kusu bə kuutsyuə saa kpia mfó ofe udufə lə Kakenkəkə Kenke kəmiə. ⁹ Nyamfo eyifo asabuləkə kate ətsyuə itə utidi taa mmi, lə mmi eto kesumu əsuə. Itə bə bəətə ətəsa ku keditətə eto asa nyamfo lə ketsyue kamfo eto kusu əsuə tsyaa, nyamfo əntə bə nwə nle Onanto kesumu butə eto lekɔəsi laakpa kenke. ¹⁰ Itsyise nyamfo kenke nyə lə budi ku bunə ku akpa eto etsyuesa kpə kpə, nnya leyə lə utidi eto əsuə bokpasə eto esu əsuə ete. B́eyifo etsyuesa nyamfo kenke itə utidi isu ese lefe nə Onanto luubə ɔ́lɔ lesa saa utsyə eyə lə kusu f́ɔ́fɔ əsuə.

Kristo Eto Kɔtɔ Ɖələkə Abuayifoyifo Kalosə Lə Betidi Ɖsuə!

¹¹ Fɛɛ Kristo ebubə koko fe Usumunyə Ninə Kenke itə asa sɛɛ nya dɪkəbə. Uyifo usumunyə lə Kafia eto Mpatampa nə lɛmɔ, nya lɛflɔ lenso Kafia eto Mpatampa nə kɔ. Dienyifo dibu nə utidinini dɪfi wə ani uyifo eto kasɔ ni bənkə dienyifo kasɔ kamfo eto asayifoyifo. ¹² Lefe nə Kristo dɪdufə disumuyo nə məə, ɔye lə ni ofe lɔni kplo, ɹdufə lə kaka ni Kakenkəkɔ Kenke. Nya wɛmfɪ bate nye banantsyui eto kɔtɔ uyifo fe keditətə, bomu wə kosate eto kɔtɔ itə lefe nə ta! Nya ɹyifo nko bə lə Onanto lə utə bo nkpə manlo.

¹³ Weefɪ bate ku banantsyui eto kɔtɔ ku onantsyui eto lɛkpɔ nə baatonsə eto ntɔ beefɪ kese lə nwə eto əsuə dimanle itə lə wə əsuə lə ele, iyifo wə kenkɛ. ¹⁴ Lə nyamfo eyifo sitinti, nyalɛ ntsyə yuutsyə bə Kristo eto kɔtɔ bomu embokpasə bo esuə eso nko! Ɖye lə wə Lɛwɔnɔ nə nsi nkpə lefe saa əsuəə, ɹfi wə əsuə ɹtə fe keditətə ka lɛflɔ utə Onanto. Wə kɔtɔ ebufləsə bo akɔəsi itsyiko lə akpa bimba eto eyifosa nnya ləmbə kutəkə saa bə lə busumu Onanto wə nsi nkpə lefe saa.

¹⁵ Nyaso Kristo ni nwə ɛye lə kenyeklekle fɔfɔ kamə əsuəə, dɪnyə lə bo kenye ófo ɹtə bo, bə lə betidi ba Onanto lékpadi lə bənyə nkpə manlo eto kedikɔ ka Onanto dɪtsyə kenye ɹtsyə. Nyamfo ebofo bubə kətə itsyise utidi ɔni wə dɪkpee, dɪləkə abuayifoyifo nnya ləkɛ lə kenyeklekle koko eto lefe ɹwui, bənyə bufikat-sye.

16 Lə kase yəəbəə, lə utidi mənkrəə, beensensə wə kənyətsyətsyə eto kukue eto bikə. 17 Lə utidi wə dıtsyə kənyə si usi nkrəə, bəmbofo utidi əmə eto bike busənsə. 18 Lə nnya eso bəfi kəto bəkpe əsuəale kənyəkəlele koko kamə əsuə nɛ.

19 Tutɛɛ, Moses ábe letsya úləkə aklesa nnya nkpe lə kəfi komə óte kusə komə kenke eto betidi. Nya úfi bate ku banatsyui eto kəto otsyakasə ku ntu ku basamu eto bisə sia ku afantosi nnya laanyi fififi fə úfi úse lə kəfi eto kukue ku betidi bamə lə əsuə. 20 Nya óteyi nkə, “Nyamfo ni kəto ko Onanto dífi ose kəfi ko utə bo uyi nkə butsyue ko koto.” 21 Nko ke Moses dífi kəto komə úsə lə Kafia eto Mpatampa nəmə ku asa nnya kenke bəfi bəyifo kesumu kamə nɛ. 22 Sitinti lə kəfi komə əsuə kəto befi kəflə lesa saa əsuə. Nya lə bankpo kəto kasə, beemfi lebua katsyɛ.

Kristo Eto Əsuə Nya Úfi Útə Te Fe Kedi Ka Ləəflə Bo Abua Kewui.

23 Ínyə itə bə bəyifo nkomə eto akpa nyamfo lə befi bakpasə asa nnya lele kato eto ale əsuə. Fɛɛ lə asa nnya ni kato eto ale eto kutsyə, befi keditətə eto asa nnya lekpa əsuə enso kasə mfo eto alee, bəkpasə nnya əsuə. 24 Itsyise Kristo mensu kakənkəkə ka befi kawunsiə kamfo eto betidi eto ani beyifo, ka ni kakənkəkə kato eto okle ete. Bomu úsu kato kosate, kaka woala kənyə kətə bo lə Onanto eto ənəmi. 25 Kristo ménsu mfó nkə lə ufi wə əsuə utə kedi sesia sesia lə bo disi, fə kase Yudafə eto Usumunyə Ninə Kenke leedufə Kakənkəkə

Kenke mfó keyifo lɛlɛ saa lɛlɛ ku ubuki eto kɔtɔ, ko lenni wə kosate eto kole. ²⁶ Lə nko ini, eni yoofe bə ufi wə əsuə utə, unyə kanyi sesia sesia idu lə kawunsiə eto ketsyikokɔ ke. Bomu kase inte mɔmɔ, Kristo əbə lɔni kplo lə kawunsiə eto kalokɔ eto eyi nyamfo lə ufi wə kosate eto əsuə utə fe kedi lə uləkə lebuə uwui, lə bo disi.

²⁷ Onanto ditsyə nnya nkə utidi kpə sɔni kplo, nya lə nnya kamaa, bakponko wə lekpo. ²⁸ Nko ke ini Kristo dɪfi wə əsuə útə fe kedi sɔni kplo, itə betidi kpə eto bofo ketsyiko lə abua əsuə. Wuusinkli ubə dinuəfə, insini lə lebuə eso, bomu bə lə ubə uləkə mba nsi banlɛ wə kusu bobɛ itə nkpə manlo.

10

Kristo Éfi Wə Əsuə Útə Fe Kedi Sɔni Kplo Lə Betidi Eto Disi.

¹ Yudafɔ eto kɔfi koməə, asa sɛɛ nnya nlɛ bubə eto koyo ete kuni, inni asɛ nnya kosate ləəbə bubə ini. Nyaso kɔfi komə embofo boyɛ lə keditətə ka beeyifo lɛlɛ saa lɛlɛ keyifo betidi ba laanyi kafi Onantoo, baflo balo kulefe. ² Lə nnya ete bofo betidi ba nlɛ Onanto busumu buyifo kɛnkɛnkɛ babɔ lə mə abua əsuəə, eni mə ketu ensiembolo mə dikpi bio, nya keditətə saa ebolo. ³ Fɛɛ keditətə lɛlɛ saa lɛlɛ nyamfo aak-lomasə betidi mə abuyifoyifo hã te. ⁴ Itsyise bate ku banantsyui eto kɔtɔ embofo abua buflə kewui lə utidi əsuə.

⁵ Lə nyamfo eso fɛ Kristo luubə kawunsiə kamfoo, óteyi Onanto nkə, “Ámanhiã keditətə ku asatətə,

bomu éyifo əsuə eto sinə ətə mɛ.

⁶ Bebuki botonsə kətə kedi ku lebuayifoyifo eto asatətə lə kedikətəkɔ eto leba əsuəə, aankpe fə disuəyüə.

⁷ Nya mínteyi minkə, ‘Nyə mɔɔ, mbə miə meyifo fə lelabi fe kase bawɔni lə mɛ əsuə lə kɔfi eto Kukue kəmiə.’ ”

⁸ Tutɛɛ, óteyi nkə, “Ámanhiã keditətə ku asatətə, bebuki botonsə kətə kedi ku lebuayifoyifo eto keditətə.” Nya yənyuəsəfə kafo tsya, ite bə kɔfi komə áte nkə beyifo nko fɛ. ⁹ Mfó óteyi nkə, “Nyə mɔ mfo. Mbə miə meeyifo fə lelabi.” Eyɛ lə nyamfo əsuə esoo, Onanto ələkə keditətə eto asa nnya kɔ útsyə kutsyə. Nya úfi Kristo eto keditətə útsyə lə nnya kənyɛ. ¹⁰ Se Yesu Kristo díyifo lə Onanto eto lelabi əsuə eyɛ lə kase úfi wə əsuə eto sinə útə sɔni kplo itə afe nnya ta esoo, Onanto ákpasə bo əsuə lə nnya esó.

¹¹ Diyi saa, Yudafɔ eto usumunyə ənyə lə Onanto eto Disumuyo. We efi ətəsa nyamə ke kətə kedi lefe saa, ite bə yembofo abua nyamə buflə kewui tsya. ¹² Fɛɛ se Kristo díbə útə kedi kani kamə hã lə abua eto disi itə lefe nə kenke ólosəə, úsu úsiə lə Onanto eto kodiani. ¹³ Mfó unsi mɔmɔ idu isu ese lefe nə Onanto luufi wə balo okpe lə wə nkpakalɔ. ¹⁴ Kristo efi wə əsuə útə fe kedi ditə ləwɛ, nya úyifo mba eto əsuə bákpasə ləflɔ beyifo kənkɛ isu manlo.

¹⁵ Nyaa, Ləwɔnɔ Kənkɛ ələkə nya ote wee nkə,

¹⁶ “Nyə kənyɛ ka mookle ku mə lə eyi nnya ləəbə mmə kama.

Muufi mɔ kɔfi nkpe lɛ mɛ ketu kɛmiɔ.

Nya mɔwɔni nya lɛ mɛ nsusu kɛmiɔ.”

¹⁷ Nya usi ɔtɛyi nkɛ,

“Mensi embokloma mɛ abua ku mɛ eyifosa bua saa.”

¹⁸ Lɛ befi asa nyamfo bɔtsyɛɛ, yensiembofe bɛ, besi bɛtɛ kedi lɛ abua eto disi.

¹⁹ Lɛ nyamfo esoo, mɔ bayimi, bokpe kusu buedufɛ Kakɛnkɛkɔ Kenke kamɛ ɛyɛ lɛ Yesu eto ukpɛ wɛ ɔkpɛ eso. ²⁰ Itsyise ɔsini kusu fɔfɔ utɛ bo, ko ni nkɛ eto kusu ɛyɛ lɛ kafia ka bɛti lɛ Kakɛnkɛkɔ Kenke eto kɛnyɛ mfɔ ka nyɛ itɛ wɛ kosate eto ɛsuɛ eto sinɛ. ²¹ Bokpe Usumunyɛ Kplɛ wɛ nsi lɛ Onanto eto diyo nɛmɛ eto kɛnyɛ. ²² Nyaso bitɛ lɛ bɔnyi bɔfi Onanto ku sitinti eto utu, ku bofokanɔ keklege ku akɔesi nnya bɛflɛ ɛle kɛnkɛnkɛ bɛlɛkɛ bɛtsyiko lɛ abua ɛsuɛ ku ntu bo keni saa lɛmbɛ bɛ bo akɔesi ensi aalo bo dikpi. ²³ Bitɛ lɛ bɛle nnya bofo bɔnɔ, bɔnlɛ kusu bobɛ kɛtɛ nya bɛlɛkɛ katee lɛ kɔni keklege, itsyise Onanto wɛ ditsyɛ bo kɛnyɛɛ, eyifo ɔnukualenyɛ. ²⁴ Bitɛ bukebu disi lɛ bukakpe bo bɛtsyuɛ otsyekle lɛ leyimila ku nkɛ sɛɛ busiɛ ku bɛtsyuɛ ɛsuɛ. ²⁵ Biɛntɛ lɛ bɔyɛ disikakpekɔ busu fe kase bo nti eto bɛtsyuɛ leeyifo seka. Bomu bitɛ lɛ bokpe bɛtsyuɛ nkɛale enso, se binyi biɛ Bonamute eto Diyi nɛmɛ fe lɛlɛ bɔnyi kafi.

²⁶ Fɛɛ lɛ buyi ɔnukualɛ ɛmɛ, fe busi butsyɛ bɔnlɛ asa bua buyifo, nyalɛ keditɛtɛ saa ensibɛ ka dulɛkɛ abua iwui itɛ bunyɛ bufikatsyɛ bio. ²⁷ Bomu nya lesa saa nɛ luubu ni bɛ Onanto ookpronko bo lekpo, nya wɔɔtsylɔsɛ

mba létaka bənyə læ wə əsuə læ ditefenku nə nkpe kənyə ale! ²⁸ Utsyuə saa ke dímentsyue Moses eto kəfi kotoo, bolo baalo wə kaminse mənyəmənyə, læ bakponko wə lekpo balo wə dikpi læ badansiə inuə nye itsyə eto kənyə kama.

²⁹ Nya ntsyə yuutsyə itə nwə laani Onanto eto Ubi, nwə læntə dibu Onanto eto kənyək-lekle eto koto ko díflə wə əsuə nya úləkə wə utsyiko læ lehua əsuə nya waaka lefonə eto Ləwəno? Ntsyə fə kotonənə keklege kutsyue eto okle lembunyə kutə wə! ³⁰ Itsyise buyi nwə letəyi nkə, “Muutsyə nnya kənyə. Məo, maatisə oko.” Nya owə tsya letəyi nkə, “Bonamute ebokponko wə betidi lekpo.” ³¹ Mbəbəe məətə nwə luudufə læ Onanto wə nkpe nkpe eto lefonyi əsuə.

³² Bekloma kase itsyə læ lefe nə lefe mmə. Lə lefe nə Onanto eto diyənde dikabo lékpo mi læ əsuə, nya bulə kpə dítu mi, fəe bulə bomə məntəkə mi kato. ³³ Lefe ditsyue, baaka mi kulaa tsya læ betidi nti nya beeyifo mi disiale, nya læ afe bamba ətsyue tsyaa, beebu mi kakpe læ mba əsuə banlə asa nyamfo buyifo kakpe eto nti. ³⁴ Bińyə kanyi ku mba befi bakpe læ aba eto diyo. Nya lefe nə bəmuə mi balə mi bikə bafə læ əsuəale əsuə tsyaa, yənlə mi itsyise betə biə bise bekpe bikə bia lefo koya enso mi, bia lembobia kulefe.

³⁵ Lə nyaso biəntə læ elo mi ani itsyise yuunə kutəkə kpə eboko mi. ³⁶ Ele bə bekpe dibusə læ biyifo Onanto eto lelabi læ befo lesa nə útsyə

kenye utsyø mi. ³⁷ Itsyise fe kase Awonisa
Kenke eto Kukue leteyii,

“Ibu sekεε, læ nwø nle bubø læ ubø udufø,
wøambofe kama ku bubø.

³⁸ Mø utidi wø ni ɔsεε, ebunyø bofokano
usiø nkpø.

Fεε læ mø utsyuø etsyi kama okpe mεε,
membunyø disuøyuø læ wø əsuø.”

³⁹ Fεε boo, bunny betidi ba leetsyi kama kakpe
bo bofokano bæ læ bonya. Bomu boo, bófo
bóno, nya Onanto léfo bo.

11

Lesə Nə Ni Bofokano.

¹ Lə akpe bofokano, eté bæ akpe kusubebe
kekkele itə lesa nə fanle kusu bobε ketø. Itε
bæ anle ni bunyø tsya. ² Bofokano dítə Onanto
dínycə disuøyuø læ bo bana əsuø læ kokolefe.

³ Eyε læ bofokano əsuøə, nya bóno kaso boə
Onanto éyifo kawunsiø kenke læ wø ditiki əsuø.
Nya úyifo nnya utsyiko læ lesa nə dimanke
bønyø kə əsuø.

⁴ Bofokano əsuø eyε nya Abel dífi asa nnya
lələkε enso Kain eto ale útə Onanto kedi eso
Onanto dínycə wø nwø leeyifo kasεε. Onanto
áfo wø ətəsa nnya óyε læ nnya əsuø údi wø
kenyε nkə uyifo ɔsεε. Itε bæ Abel ékpe tsyaa,
wø bofokano si bóle etiki budi ketsyiko læ wø
əsuø.

⁵ Eyε læ Enok eto bofokano esoo, weenkpe.
Onanto étsyi wø úsuko kato. Kuutsyuø saa
mənnycə wø, itsyise Onanto étsyi wø usuko
kato. Awonisa Kenke eto Kukue læ boteyi

nkə, fe útsyi Enok úsuko katoo, wə asa édufə Onanto ənə. ⁶ Kuutsyuə eto etiki embudufə Onanto ənə, lenni eyə lə wə bofokanɔ əsuə. Itsyise utsyuə saa wə ke ləəbə Onanto ɔflo, ele bə ofo ɔnɔ nkə Onanto kpe nya wəətə mba laabəbə wə ləənyə wə.

⁷ Eyə lə bofokanɔ əsuə nnya Onanto díkə Noa ato keklege itsyi lə asa nnya ləəbə bubə nya wəənnə tɔ unyə əsuə. Útsyue Onanto koto nya ówe lelaka eto ɔklo nə léfo wə ku wə diyo eto betidi lə nkpə. Eyə lə wə bofokanɔ bomfo əsuə Noa ələkə óte nkə kawunsie eto betidi kenke édi dikpi. Nya ófiani ɔsɛɛ lə Onanto eto ənəmi nya únyə kedikɔ lə wə ɔflo.

⁸ Eyə lə bofokanɔ əsuə nnya Abraham lenɔ Onanto eto bokpadi bo ókpadi wə nkə usu kasɔ ka Onanto dítsyə kenye útsyə nkə wuufi utə wə fe wə kedikɔ əsuə. Údu lə wə kasɔ úsu kaka wánte kulaa tsya. ⁹ Eyə lə bofokanɔ əsuə, úsiə fe ɔfo lə kasɔ ka Onanto dítsyə wə kenye. Úsiə lə ebu fe Isak ku Yakob ba léfo kenyesyətšyə itsyi lə Onanto ɔflo. ¹⁰ Abraham ákabe kusu itə umənkplə wə báto bənyənsə wə ni nwə Onanto kosate léto.

¹¹ Eyə lə bofokanɔ əsuə, ite bə Abraham wə díkabe ófee, léfiani anto nya Sara wə díkabe ofiani uninəsia tsya lələ kafo, Onanto ətə nkə Abraham fiani ubianto itsyise uyi nkə Onanto wə dítsyə kenye útsyə, éyifo lə wə kenye əsuə. ¹² Ite bə Abraham obobe uku tsya, eyə lə utidi ɔni əmfo əsuə, nya befluflu kpə ləbɔ betsyi fe befandebi nkpe kato, fe kase lekpa eto kɔwunumi ko bəmbofo lə lekpa kenye.

¹³ Betidi bamfo kenke əsiə nkpə lə bofokano əsuə isu ese lefe nə bəkpə. Bámfo asa nnya Onanto dítsyə kənyə útsyə. Fəe bənyə nya famfamfamfa nya bətə nya edufə nya batəyi bənkə sitinti bafə ku mba nyə kusu ete beni lə kasə kamfo əsuə. ¹⁴ Nya betidi ba latəyi asa nyamfoo, ələkə kate wuee bənkə balə kusu bobə kətə mə kosate eto kəmənsə. ¹⁵ Lə kasə ka əsuə bétu ete banlə bəbəbəe, eni bítafo businkli kesu mfó. ¹⁶ Bomuu, bákabe kusu itə kasə ka lələkə kanso nkamfó. Ke ni Onanto eto kato. Nyamfo eso yaanlə Onanto kofani lə bakpadi wə bə mə Onanto nə, itsyise ólə umənkplə utsyuə útsyə itə mə.

¹⁷ Eyə lə Abraham eto bofokano eso lə lefe nə Onanto léto wə óbee, ite bə Abraham ni nwə Onanto dítsyə kənyə utsyə tsyaa, ótonə lə ufi wə ubi ɔni kplo Isak utə Onanto kedi. ¹⁸ Itə bə Onanto ébətəyi wə nkə, “Eyə lə fə ubi Isak əsuə nya fuunyə befluflu kpə ba míntəyi míntsyə.” ¹⁹ Abraham éfi nnya nkə, Onanto ebofo wə ubi Isak botakasə ketsyiko ɔkəmə kaboko nkpə. Nya fe kase íbəə, Abraham ésinkli ófo Isak fe ɔkəmə útsyi úbə.

²⁰ Eyə lə bofokano əsuə nnya Isak lékpo Yakob ku Esau atsyə itə setə sia nle bubə.

²¹ Eyə lə bofokano əsuə nya Yakob lə lefe nə ɔnle bukpəə, ókpo Yosef eto bebi atsyə, nya ótesə Onanto se úkpəsə lə uyi wə waalə əsuə.

²² Eyə lə bofokano əsuə se Yosef dínnyə nkə wə dikpəfə éboyoo, údi etiki utsyi lə Israel bebi eto budu lə Egipte eto kasə əsuə nya ótəyi mə kase ele bə beyifo ku wə ɔkə.

²³ EYE læ bofokano əsuə eso Moses eto antomə dífi wə bákula læ afa ətsyə əsuə se bále wə. Bənyə bə úyifo dikpefi nə laano bobə nya bántə sikpi ku oka əmə eto kofi bota kebu əsuə.

²⁴ EYE læ bofokano əsuə nya Moses leni nkə bánkpadí wə bə Oka Farao eto ubisiobi eto ubi lefe nə úkabé. ²⁵ Iyifo wə lelabi nkə læ unyə kanyi ku Onanto eto betidi enso bə unyə kamini læ lebuayifoyifo əsuə itə lefe kliminti. ²⁶ Úbu nnya óbe nkə læ bakpé wə kofani læ Kristo eto disii, eléké famfamfamfa eso kedi ka wuunyə læ utəkəko Egipte eto kaso eto asa nnya wuunyə kama. Itsyise úfi wə ənəmi utəkə læ kutəkə ko Onanto luutə wə læ setó əsuə. ²⁷ Nya eyə læ bofokano bomə esoo, údu læ Egipte eto kaso nya wəántə oka əmə eto kafa ka loonyi wə sikpi. Nya fenké únyə Onanto wə bo ənəmi ləmbofo bunyə, óni nkə wembusinkli kama. ²⁸ Bofokano əsuə eyə nya útsyə Ukpə Ása Bo Óyila eto lekpa kaso lefe nə béfi koto bese læ biku ku keyi əsuə. Nya eyə læ nnya əsuə, Onanto eto otankpe wə díbə ólo Egiptefo eto ubisaibi ninə saa læ Egipte eto kaso nya yanlə bə utidi Israelfo eto bebi saa.

²⁹ EYE læ bofokano əsuə nnya díte Israel bebi léfo Lekpo Sia boýila fe kasonti fufu əsuə bákayə nɛ. Fɛɛ lefe nə Egiptefo lekplatsya bə baayila ni, ntu bomə étsyiko mə búdunko. ³⁰ EYE læ bofokano əsuə, se Israel bebi layə bátisylama kafati ka báto batsylama Yeriko eto umə eyi akuansee, nnya díte kafati kamə léba kákpoo kaso nɛ.

³¹ Eye læ bofokano əsuə nyaso bánlo Rahab wə ni otsyeto mfó fe kase bálo mba dimamfo Onanto bano. Itsyise ófo Israelfo eto betidi ba bátsyese ba dísu mfó bésu bátsyilama béyu kaso kamə bábe kukono.

³² Be tsya ele bə nsi nteyi mi? Lefe kpə əmbə me bə læ ndi etiki ntsyiko læ Gideon, Barak, Samson, Yefta, David ku Samuel ku Onanto eto bənyeləkətidi əsuə. ³³ Eye læ bofokano əsuə, bákpo nso kpə bətəkə mə kato. Bəyifo lesa nə dińyə itə nya bənyə kenye ka Onanto dítsyə útə mə. Nya bətsyuə díti batsyata eto nnyε. ³⁴ Nya bətsyuə leninsə etefenku kplε nnya díkatonsə asa. Nya bətsyuə ləbo báfe læ lesiabi eto kenye læ lema əsuə. Ite bə betidi bamfó kenke manke əsuəale saa tsya, Onanto ətə nkə bənyə əsuəale! Bənyə əsuəale fe bamamanyə ba ləke ale kekleke, nya bətəkə bafə eto bamamanyə bamə kenke kato. ³⁵ Nya eye læ bofokano əsuəə, besio léfo mə batokpenyə ba díkpə disi bəbə nkpə. Nya bətsyuəə, lenni bə betidi mənłəkə mə betsyiko læ kanyinyənyə ka əsuə bákε, bomu bála bə læ bəkpə, bə læ bənyə botaka kəbə nkpə bo nso kono.

³⁶ Bákpe bətsyuə kofio nya báble mə ku key-ibi. Nya bákpe bətsyuə læ amena nya beti mə bákpe læ Aba eto diyo. ³⁷ Bákpo bətsyuə aba nya bákpe bətsyuə tsya eku ənuə ku nlande, nya báto bətsyuə ku asiabi bálo. Nya bəfi basamu ku bate eto ekue bəmini mə əsuə nya báye bákafe itsyise kulesa məntsyə mə. Nya betidi lékpe mə bulə, nya bənyə kanyi tinti.

³⁸ Lə mə nkpə sεε bo bəsiə esoo, kawunsie

kamfo eto betidi mámfo mē. Nyaso bákayē bákafe lē mfiminti ku atiniku ku kanyinyōnyō fe mba bála lē mē nsō, nya bákē lē aba kalō ku lē əbiə lē kasōnti.

³⁹ Ite bē bātesə betidi bamfo kenke ba bákpe bofokanō tsyaa, bāmfo kenye ka Onanto létēyi útsyē mē. ⁴⁰ Itsyise Onanto ənye asa bamba nya lələkē enso útsyē bo. Nya lē bo mankē mē lē ntii, bembuyifo mē báflo balo.

12

Onanto Ni Bo Anto.

¹ Lē nyaso se bonkpe bamanyē kpē bamfo ba letsyilama bo nya banlē bo otsyekle bokpe esoo, bitə lē buləkə asa nnya leeti bo kusu ku lehua nē laakpa bo kəkəkē kalē lefe kpē buwui. Nya lē butsyetsyi etsyi nnya nte bo sētō ku unyē, kama bebe mankē. ² Bitə lē bo ənəmi lē itəkə lē Yesu hã əsuə. Wə hã ni nwə əsuə bo bofokanō nkpəsə itsyi lē kasō ketsyikokō isu ese lē kalosəkō. Se óte disuəyuə nē nte sētō wuunyē esoo, ókpe utu únyē kanyi lē uyikabie əsuə. Nya wémfi kofani ko wuudi lē uyikabie əsuə kulesa. Nya mómōō, úsu usi lē Onanto eto lekankpome oflo lē wə kodianii.

³ Bibu Yesu bebe, lē kanyi ka únyē lē babuayifo ba dínyē wə lē əsuə eto ani, bē lē ani lē eyē mi bolo lē bitə disi. ⁴ Ite bē bələ lema bəkpō ku lehua tsyaa, yányo kaka ele bē bəkpō lē bakpo mi kōtō lē kasō tō. ⁵ Nye biota əsuə Onanto eto lekōmansəmansə eto etiki nnya ótēyi úfi ókpe mi nkəale fe wə bebi? Ótēyi nkə,

“Mo Ubi, tsyue ato nya memfi Bonamute eto
bunətətə fe asa bimba.

Nya məntə lə ilə fə lə unyəki okpe fə.

⁶ Itsyise nwə Bonamute laalaa,

wə wəənə lə kusu sɛɛ əsuə nɛ.

Nya nwə tsya woafə fe ubii,

wə wəənə koto nɛ.”

⁷ Bifi mi kanyi saa ka biənyə fe Onanto nɛ mi
bunə butə fe wə bebi. Ubi utsyuə kpe bə anto

əənə wə? ⁸ Lə bəənnə mi fe kase bunyi boə
bəənə ubi saa, nyalɛ bienyifo wə bebi tinti. Etə

bə biyifo fe bebi ba anto dímamfo seka. ⁹ Lə
bo betidinini eto antomə seka lə kasɔ mfoo,

bəənə bo nya boebu mə tsya lə nyamfo eso.
Ntsyə eso yanle bə bobokosə əsuə kasɔ enso

butə Onanto wə ni bo Anto lə lɛwɔnɔ əsuə bə
busiə nkpə! ¹⁰ Bo kasɔ mfo eto antomə əənə

bo itə lefe kliminti ditsyue fe kase bənyə bə
iinyə itə bo. Fɛɛ Onanto wə əənə bo fe kase

ɛlɛkɛ itə bo bə lə bo tsya lə bunyə kedikɔ lə
wə sɛkɛnɛ əsuə. ¹¹ Bunətətə utidii, aanɛ

kuutsyue kamini, bomu yeefi wə. Fɛɛ lə nnya
kamaa, mba bətə bunə nkoo, əətə beeyifo asa

lə kusu əsuə, nnya ləətə bəəsiə nkpə lə diyue
əsuə.

¹² Lə nyamfo esoo, bekke mi ani ku akpa
nnya leetinkə ale, lə bitə əsuəale fɔfɔ lə idufə

lə nnya əsuə. ¹³ Biləkə esu nnya lekpa lə bɛyɛ
lə nnya əsuə bə lə mba eto akpa ləmbə ale lə

bafo bɔyɛ lə nnya əsuə bə bentusə. Bomu lə
bətəkəko mi kama lə bənyə əsuəale balosə.

¹⁴ Bekplatsya bə lə diyue lə lɛkɛ lə mi ku
betidi kenke eto nti, nya lə bekplatsya lə bisie

nkpə kenke. Itsyise kuutsyue saa embunyə

Bonamute læ wenyifo kenkæ. ¹⁵ Bebe kukɔnɔ biæ læ Onanto eto lefonæ eto kusu manya mi. Bebe kukɔnɔ biæ biëntæ kuutsyuæ saa tæ læ binyæ ɔblɔ keklege bæ inæ bulæ eboko betidi kpæ əsuæ læ bafiani babuayifo. ¹⁶ Bebe biæ mi kuutsyuæ saa mamfiani ɔsɔnɔdi nye fe nwæ ləmbæ bofokanɔ fe Esau seka, wæ dífi wæ sininədidi ófloma ku didisa eto ɔkpæ ɔni hã. ¹⁷ Kama kama fe kase binyii, óbebe ku binəntu nkæ eni læ ofo wæ anto eto atsyɔkpoko. Fæe wátɔnɔ útə wə, itsyise wámfo kusu saa bunyæ læ ofloma lesa nə úkeyifo útsyæ.

¹⁸ Itsyise inni Sinai eto kətini ko utidi loofɔ bunyæ ketidi ɔflo bíbæ, fe kase Israel bebi díyifo. Mfó ketuntu suu ka diti kpíi, nya ufiebi nle bɔsɔ keklege nkpe, fæe kətɔni komə nle bunyæ diadiadia. ¹⁹ Kakpatsyaku ka nle bufə ku ɔkɔe wə nle bɔbɔ ketsyi mfó læ bole, nya mba nle nya bɔnɔ ále lekpa kpa bənkə bensila bæ baanɔ kolea nko bio. ²⁰ Itsyise bembofo buńnyæ kanɔ kɔfi ko nle mə bətəyi nkæ, “Lə ubuki uni kulaa tsya wə eto kokpa ditidi kətini koməə, bakpɔ wə aba balo.” ²¹ Lə sitintii, nya bələkə báte mfó kpe sikpi tinti bæ Moses kosate átəyi nkæ, “Sikpi ko dímuə mə, nya mintinkə!”

²² Bomu mi alæe, Sion eto kətini komə ɔflo bíbæ. Bíbæ Onanto wə nsi nkpe eto umə wə ni Yerusalem kato ku wə batɔnkpe ba bembofo bokla ba lekpe disi mfo ɔflo. ²³ Bíbæ disuəyuæ eto disikakpeko ku Onanto eto bebininə ba eto aye bawɔni bakpe læ Onanto eto kukue kato ɔflo. Bíbæ bińnyæ læ Onanto, kawunsia kenke eto

okponkpo ku baseε ba b́eyifo lεflo eto awonɔ eto nti. ²⁴ Nya mf́o b́ibə Yesu wə laafo kətə lə kakle f́of́o kamə ɔflo kaka kɔtɔ ko ókpo lə bo disu luunə asa sεε kpə eboko nnya nso Abel eto kɔtɔ.

²⁵ Bebe kukɔnɔ biə bianni nwə nle mi etiki budinko eto ɔkɔε. Itsyise lə mba dímentsyue koto nwə léboko mə Ditiki Sεε nəmə lə kasɔ mfo mámfo butsyetsyi kedu lə mə kotonənə əsuəə, ntsyə yoofɔ bubə bə bo mba b́atɔyi Ditiki Sεε nəmə itsyi kato ebofo butsyetsyi lə ni kenye? ²⁶ Lefe nəmf́o wə ɔkɔε étinkəsə kawunsia kenke. Fεε mɔmɔ útsyə bo kenye nkə, “Bioo, məəbə kawunsia kamə butinkəsə. Nya inni nko mate tsya, bomu muutinkəsə kato tsya nwunsə.” ²⁷ Ditiki nəmfɔ bə, “Bioo” lə bote bə, Onanto ebuləkə asa nnya díinkə nnya ni asa nnya úyifo uwui lə nnya kənyənkɔ. Nya asa nnya dímentinkəə, ebubu itsyə.

²⁸ Nyaso bitə lə bɔsɔ ani bə sekakedikɔ ka lembofo butinkə áka bo kɔni. Lə nnya esoo, bítə lə bufi dibu ku sikpitete busumu wə lə kusu ko lɔkε wə ɔkɔε əsuə. ²⁹ Itsyise bo Onanto əmə eyifo ute wə laatonsə lesa saa.

13

Lε Əsuə Lə Kase Yuudufə Onanto Ənə.

¹ Bitə lə sɔyimila lə siyi mi əsuə fe bayimi. ² Bianni bafɔ bofo, itsyise eyε lə nyamfo əsuəə, bətsyue áfo Onanto eto batɔnkpe, fεε bánte nko. ³ Bekloma mba bákpe lə Aba eto diyo tsya fe mba mi ku mə nlabe mf́o. Nko kee, bekloma

mba banle ohiã bote fe mi ku mæ banle ohiã bote.

⁴ Usæ ku usiæ siæ nkpæ læ lelabi æsuæ, nya ele bæ utsyuæ saa fi dibu utæ kæsia. Nya kutsyuæ mamfe wæ utsyuæ kama, itsyise Onanto ebokponko mba leedi asonɔ, kakpo kusæ nye kusia lekpo. ⁵ Mansesæ ənæmi tsya læ atabi æsuæ. Bomu bitæ læ lesa næ nte mi læ didufæ mi ənæ. Itsyise Onanto átæyi nkæ,

“Məmboyani mi ntsyæ kulefe,
nya membulækæ ato læ mi æsuæ tsya kulefe.”

⁶ Nyaso bitæ læ bɔtæyi taa bo ketu kæmiæ boæ,
“Bonamute ni mɔ ɔwunsækotsyuæ, nyaso mæmbote sikpi.

Be utiditsyuæ lofo mæ buyifo?”

⁷ Bekloma mi batɔnkotɔnko ba dísia ba lætæyi mi Onanto eto Ditiki Sææ næmæ. Bekloma kase bæsiæ nkpæ ku kase báfo Onanto bánɔ læ bæye læ mæ kayekɔ læ bɔfokanɔ æsuæ. ⁸ Yesu Kristo aamfloma kulefe. Fe kase útsyæ læ lefe næ léfe mææ, nko ke unte mɔmɔ ku lefe næ luubæ kenke tsya næ.

⁹ Biæntæ læ asatete akpa akpa nnya læmbæ disi ku akpa læ ewæ mi ekpe læ benya kusu. Onanto eto lefonæ hã laakpe bo nkæale, nya inni afi nnya læye læ lesadidi æsuæ. Mba laayæ læ afi nyamfo æsuæ ænnyæ bɔwunsæko nye kutækæ ketsyiko læ nnya æsuæ.

¹⁰ Boo, bokpe kedikætækɔ eto leba næ æsuæ asa nnya boedi, nya mba lætæ kedi læ Yudafɔ eto kedikætækɔ, yanle bæ bedi betsyiko læ bo ole.

11 Usumunyə Ninə Kenke əmə eefi ubuki eto kɔɔ kedufənko kaka ni Kakənkəkɔ Kenke. Mfó weesu kətə kedi kɔɔ bufikatsyɛ lə betidi ba kenke eto abua eto disi. Fɛɛ baatonsə bebuki eto sinə siamə lə kabanto. 12 Mmə kenke seka ini bə Yesu tsya ənyə kanyi lə umə əmə eto kabanto bə lə uflə betidi eto abua uwui ɛyɛ lə wə kɔɔ əsuə. 13 Nyaso bitə lə busu botsyako wə lə kabanto mfó lə bakpe bo kofani faa, fe kase bákpe wuntsya kofani. 14 Itsyise umə saa əmbə bo lə kasɔ mfo wə luutsyə lefe saa manlo manlo. Bomu bunyə bɔlɛ kusu bobə itə umə wə luubə.

15 Nyaso bitə lə boyɛ lə Kristo əsuə bufi atəsə fe keditətə bukətə Onanto lefe saa. Nya ni nnya laabɔ ketsyi lə mba léfo wə diye bánɔ eto kənyɛ. 16 Bianta asa sɛɛ buyifo kətə bətsyuə ku bətsyuə bɔwunsəko əsuə. Itsyise ite fe keditətə ka eto okle laakpe Onanto disuəyuə.

17 Bitsyue mi batɔnkɔtɔnko koto lə bebokosə əsuə kasɔ bitə mə itsyise mə nlɛ mi kakla bobə lefe saa nɛ, itsyise ɛlɛ bə bələkə nya kənyɛ lə Onanto oflɔ. Lə bitsyue mə kotoo, booyifo mə keyifo ku disuəyuə, fɛɛ lenni nkoo, kuulə mə ku buyifo nya ləmbəwunsəko mi.

18 Bikato ola lə bo disi. Buyi boə bo akɔəsi akpa wuee, itsyise bola boə boeyifo kasɛɛ lefe saa. 19 Nya nlɛ mi lekpakpa kekleke miə lə beto ola biə lə Onanto lə utə kusu lə nsinkli mbə mi oflɔ mlə.

Olatoto Fɛfɛ.

20 Nlɛ bɔɔ miə Onanto wə ləətə diyuə, wə létakasə Bonamute Yesu wə ni basamu eto

oyenkonyə kplɛ utsyiko ɔkɔmə eyɛ lə kɛnyɛk-
 lekɛ manlo eto kɔɔ komə əsuə, ²¹ lə ufi asa
 sɛɛ kenke utə mi kafo faa bə lə befo wə lelabi
 buyifo. Lə eyɛ lə Yesu Kristo əsuə lə Onanto lə
 uyifo lesa nə nkpe wə ɔkɔɛ lə bo nti. Wə ale lə
 idi diyənde kplɛ idu manlo isu manlo əsuə! Ibə
 itə.

Etiki Fɛfɛ.

²² Mɔ bayimi, nɛ mi lekpaɔpa tinti miə lə
 bitsyue ato lə bɛnɔ kɔɛ ko minɛ mi bɔɛ itsyi
 lə Ditiki Sɛɛ nəmfo əsuə. Itsyise kukue kliminti
 ete miwɔni minɛ mi botsyese.

²³ Nla miə məətə mi bote miə bələkə bo
 oyimi Timoteo lə Aba eto diyo. Lə wuubə mɔ
 ɔflɔ mləə, bonko wə ebubə bunyə mi busiəsə.

²⁴ Bisiəsə mi batɔnkɔtɔnko kenke ku Onanto
 eto betidi bamfó kenke bitə bo. Bo bayimi ba
 nkpe lə Italia kenke tsya əsiəsə mi.

²⁵ Lə Onanto eto lefonə lə disiəko mimbɛ
 kenke.

**Onanto eto kakle fofɔ; Sɛkpɛle
Sekpele: Onanto eto kakle fofɔ; Sɛkpɛle New
Testament**

copyright © 2008 Wycliffe Bible Translators, Inc.

Language: (Sekpele)

Contributor: Wycliffe Bible Translators, Inc.

All rights reserved.

2020-11-30

PDF generated using Haiola and XeLaTeX on 22 Sep 2022 from source
files dated 13 Jul 2022

5fc03d2a-3cf8-5607-a6e0-9e1e197140bd